

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијси савјет

MIŠLJENJE

po Zahtjevu privrednog subjekta Inpek – ze d.o.o. Zenica

**Sarajevo,
januar 2020. godine**



Broj: 01-26-7-019-4/19
Sarajevo, 23.01.2020. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta „Inpek-ze“ d.o.o. Zenica, Sarajevska 113, 72 000 Zenica, zaprimljenog od strane Konkurencijskog vijeća dana 01.11.2019. godine pod brojem: 01-26-7-019-1/19, na 63.(šezdesettrećoj) sjednici održanoj dana 23.01.2020. godine, je donijelo

MIŠLJENJE

Privredni subjekt Trgovinsko, prometno i uslužno društvo „Inpek-ze“ d.o.o. Zenica, Sarajevska 113, 72 000 Zenica (u daljem tekstu: Inpek-ze ili Podnosilac zahtjeva), podnio je Konkurencijskom vijeću Zahtjev za davanje mišljenja u vezi postojanja obaveze podnošenja prijave koncentracije (u daljem tekstu: Zahtjev) kod planiranog sticanja 100% udjela u Društvu za proizvodnju, promet i usluge „DITAPEK“ d.o.o. Zenica (u daljem tekstu: DITAPEK), zaprimljen dana 01.11.2019. godine pod brojem: 01-26-7-019-1/19.

Konkurencijsko vijeće se Podnosiocu zahtjeva obratilo Zahtjevom za dopunom podataka dana 03.12.2019. godine aktom broj: 01-26-7-019-2/19. Odgovor na traženo zaprimljen je dana 13.12.2019. godine podneskom pod brojem: 01-26-7-019-3/19.

U Zahtjevu i naknadnoj dopuni Zahtjeva se u bitnom navodi sljedeće:

- Inpek-ze je pravno lice koje ima namjeru da stekne potpunu kontrolu nad privrednim subjektom DITAPEK, zaključivanjem Ugovora o prijenosu osnivačkog kapitala sa (..)**¹ koji je 100% vlasnik udjela u navedenom privrednom subjektu;
- Osnivač privrednog subjekta Inpek – ze je privredni subjekt Ekor komerc d.o.o. Zenica;
- Osnovna djelatnost privrednog subjekta Ekor komerc je, prema šifri djelatnosti 51.70, ostala trgovina na veliko koju obavlja kroz jedan objekat veleprodaje i 13 maloprodajnih objekata te je ostvario ukupan godišnji prihod u 2018. godini u iznosu od (..)**KM; Privredni subjekt Ekor komerc se ne bavi proizvodnjom hljeba, svježih peciva i kolača;
- Osnovna djelatnost prema Klasifikaciji djelatnosti BiH 2010 privrednog subjekta Inpek – ze je proizvodnja hljeba, svježih peciva i kolača (šifra djelatnosti: 10.71); Inpek – ze nema maloprodajnih objekata, a svoje proizvode putem veleprodaje distribuira na područje

¹ podaci predstavljaju poslovnu tajnu u smislu člana 38. Zakona o konkurenciji

- dijela Zeničko – dobojskog (Grad Zenica, općine Kakanj i Žepče) i Srednjbosanskog kantona (općine Travnik, Novi Travnik, Vitez i Busovača);
- Osnovna djelatnost prema Klasifikaciji djelatnosti BiH 2010 privrednog subjekta DITAPEK je proizvodnja hljeba, svježih peciva i kolača (šifra djelatnosti: 10.71); DITAPEK svoje proizvode plasira putem dva vlasita maloprodajna objekta na području Grada Zenica;
 - Prihod privrednog subjekta Inpek – ze je u 2018. godini na tržištu Bosne i Hercegovine iznosio je (..)**KM, dok na svjetskom tržištu nije imao ostvarenih prihoda;
 - Prihod privrednog subjekta DITAPEK je u 2018. godini na tržištu Bosne i Hercegovine iznosio je (..)** KM, dok na svjetskom tržištu nije imao ostvarenih prihoda;
 - Zajedničko učešće učesnika na tržištu dva kantona iznosi (..)**%, za Grad Zenicu (..)**%, dok za geografsko područje BiH taj procenat iznosi oko (..)**% u odnosu na relevantno tržište hljeba, svježih peciva i kolača.
 - procjena tržišnog udjela, kako se navodi u dopuni Zahtjeva, rađena je na osnovu prosječne dnevne proizvodnje, broja stanovnika na užem geografskom području na kojem su plasirani proizvodi uz proporciju broja stanovnika na području Bosne i Hercegovine;

Zahtjev se odnosi na davanje stručnog mišljenja da li prijenos osnivačkog udjela sa (..)**kao 100% vlasnika udjela u privrednom subjektu DITAPEK na privredni subjekt Inpek –ze podliježe obavezi prijave koncentracije shodno odredbama člana 12. i člana 14. Zakona o konkurenciji.

Postupajući po podnesenom Zahtjevu, analizom svih dostavljenih podataka i činjenica iz Zahtjeva, a na osnovu Zakona o konkurenciji, Konkurencijsko vijeće daje slijedeće mišljenje:

Zakon o konkurenciji u članu 12. propisuje koja postupanja na tržištu od strane privrednih subjekata predstavljaju koncentraciju dok član 14. istog Zakona propisuje koji se uslovi na tržištu trebaju ispuniti da bi postojala obaveza prijave koncentracije.

Koncentracijom, u smislu člana 12. stav (1) Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili prevladavajućeg uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekata, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U smislu člana 12. stav (2) Zakona, sticanje kontrole se ostvaruje putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata.

Obzirom da je u konkretnom slučaju riječ o zaključivanju Ugovora o prenosu osnivačkog kapitala sa (..)**, koji je 100% vlasnik udjela u privrednom subjektu DITAPEK, na privredni subjekt Inpek-ze radi se o koncentraciji u smislu člana 12. stav (1) pod b) tačka 1).

U smislu člana 14. stav (1) Zakona namjeravanu koncentraciju privrednih subjekata učesnici koncentracije su obavezni prijaviti, i to kada su ispunjeni sljedeći uslovi:

a) da ukupni godišnji prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000 KM po završnom računu u godini koja je prethodila koncentraciji; i

b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000 KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40%.

U skladu sa članom 2. Odluke o načinu podnošenja prijave koncentracije i kriterijima za ocjenu koncentracija privrednih subjekata ("Službeni glasnik BiH", br. 34/10) namjeravanu koncentraciju privrednih subjekata iz člana 12. Zakona, učesnici koncentracije sa sjedištem i prebivalištem u Bosni i Hercegovini, što je slučaj sa privrednim subjektima Inpek-ze i DITAPEK, su obavezni prijaviti ukoliko su ispunjeni uslovi iz člana 14. tačka b) Zakona.

Slijedom navedenog, učesnici koncentracije nisu osvarili uslov ukupnog godišnjeg prihoda niti su ostvarili zajednički udio na relevantnom tržištu veći od 40% te, u smislu odredbi Zakona i Odluke o načinu podnošenja prijave koncentracije i kriterijima za ocjenu koncentracija privrednih subjekata, učesnici koncentracije nisu bili obavezni prijaviti predmetnu koncentraciju.

Konkurencijsko vijeće, slijedom navedenog, daje ovo mišljenje isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednica

mr. Arijana Regoda - Dražić